

SAKSPAPIR

Saksnr	Utval	Type	Dato
035/17	Formannskapet	PS	03.05.2017

Saksbehandlar	ArkivsakID
Laura Ve	15/3470

Høyring og offentlig ettersyn - planprogram kommunedelplan for oppvekst Osterøy kommune

Vedlegg:

Utkast til planprogram for kommunedelplan Oppvekst_versjon 26.04.17

Rådmannen sitt framlegg til vedtak:

Osterøy kommune legger forslag til planprogram for kommunedelplan for oppvekst ut på høyring og offentlig ettersyn i minimum seks veker med heimel i plan- og bygningslova (PBL) §11-13.

Formannskapet - 035/17

FS - behandling:

AVRØYSTING

Rådmannen sitt framlegg vart samrøystes vedteke.

FS - vedtak:

"Osterøy kommune legg forslag til planprogram for kommunedelplan for oppvekst ut på høyring og offentlig ettersyn i minimum seks veker med heimel i plan- og bygningslova (PBL) §11-13."

Saksopplysningar:

Saksopplysningar:

Bakgrunn

Det er utarbeida forslag til planprogram for kommunedelplan for oppvekst. Planprogrammet foreslår rammer og tema for det vidare arbeidet med kommunedelplanen.

Framlegg til planprogram er utarbeida i samarbeid med fastsett administrativ arbeidsgruppe for å

sikre fagleg innhald og med fastsett politisk arbeidsgruppe for forankring av politisk retning for tema oppvekst.

Vurdering

Føremålet med arbeidet er å utarbeide ein Kommunedelplan som kan skal vere eit operativt utviklings- og styringsverktøy på kort og lang sikt. Planen skal legge tydelege føringar og rammer for utvikling av kommunen i eit framtidsperspektiv. Kommunedelplanen skal ha med seg alle møtepunkt og områder som berører temaet *oppvekst* som til dømes omsorgsgjevarar, barnevern, jordmortenesta, helsesøster, barnehage, skule, frivillig sektor, NAV, osv.

Avgrensinga for tema *oppvekst* som kommunedelplanen skal omhandle er i samband med planarbeidet definert å gjelde for barn- og unge i alderen -0 til 25. Dette for å favne alle gruppene kommunen i si tenesteproduksjon er i kontakt med, og på eit eller anna vis kan få ansvar for. Denne aldersgruppa er også vurdert som svært viktig for kommunen sin førebyggjande innsats og for langtidsverknaden av folkehelsearbeidet.

Som eit utgangspunkt må ein ha med seg folkehelse og livskvalitet som eit bakteppe gjennom planarbeidet. Det er viktig å tenkje breidt, tverrfagleg og på tvers av ansvarsområde og sektor i utarbeiding av kommunedelplanen.

Hovudmål for planarbeidet:

- Legge til rette for at komande generasjonar kan utvikle seg til å verta barn, unge og vaksne som meistrar notida og framtida.
- Peike ut verkemiddel og moglegheiter kommunen har til å påverke og forsterke ei slik utvikling.
- Planarbeidet må konkretisere tverrfagleg og tverrsektoriell samhandling for å nå fastsette mål, herunder kommunal og frivillig sektor.

Kommunedelplanen er føreslege delt inn i sju hovudtema og kvar av desse vil ha delmål knytt til planarbeidet for å nå hovudmåla for oppvekstvilkår i Osterøy kommune. Kapittel 2.1. gjer greie for utvalde tema med hovudmål og bestilling til planprosessen. Kommunedelplanen skal vidare fastsetje strategiar og tiltak for å oppnå konkrete mål i handlingsdelen, samt foreslå evalueringssystem eller andre metodar for å følgje opp dei aktuelle målsettingane (målstyring). Desse må innarbeidast i økonomiplan og følgjast opp i budsjett.

Planhierarki og relasjon til økonomiplan og budsjett

Kommunedelplanen for Oppvekst inngår i eit rullerande plansystem som er kjent og forankra politisk og administrativt. Jamfør Plan- og bygningslova § 11-2 skal den vurderast kvart fjerde år og handlingsdelen til planen skal vurderast årleg.

Kommunen har òg starta arbeid med Kommuneplanen sin samfunnsdel (Samfunnsplanen). Denne skal ta stilling til langsiktige utfordringar, mål og strategiar for kommunesamfunnet som heilskap og kommunen som organisasjon, og vera eit godt styringsverktøy for å møte utfordringane og moglegheitene framtida byr på. Kommuneplanen sin samfunnsdel skal ha ein handlingsdel som skal sikra rett innsats og prioritering av ressursar for å nå målsetnadane for ønska samfunnsutvikling ein har sett seg som resultat av planprosessen.

Denne tilnærminga vil i stor grad også vere relevant for Oppvekstplanen. Det kan vere potensiale i parallelle prosessar og tverrfagleg, tverrsektoriell samordning mellom dei to planarbeida. I planprogrammet for Samfunnsplanen er det peika ut fem hovudtema som òg vil vera viktige for

oppvekstplanen:

- Møte mellom fortid og framtid
- Klimaendringar
- Eit berekraftig samfunn
- God folkehelse for alle
- Eit trygt samfunn

Folkehelse er eit grunnleggande viktig tema i kommunedelplanen. Mellom anna er fysisk og psykisk helse, barnefattigdom, inkludering og mangfald og tryggleik viktige tema i planprogrammet og for det vidare arbeidet. Aldersgruppene frå under eit år og fram til midten av tjueåra er vurdert som svært viktige for kommunen sin førebyggjande innsats og for langtidsverknaden av folkehelsearbeidet.

Miljø

Mellom anna er gode bu- og nærmiljø og fysiske og sosiale miljø viktige i oppveksten. I tillegg kan kunnskap om og utvikling og endringar innan kultur, kulturmiljø og klima påverke barn som veks opp både positivt og negativt. Planarbeidet skal fastsette retning for korleis kommunen skal arbeide strategisk og systematisk med vidareutvikling på desse områda for å nå fastsette mål.

Økonomi

Ikkje vurdert.

Konklusjon

Rådmannen vurderer at utarbeida forslag til planprogram for kommunedelplan for oppvekst er klart for høyring og offentleg ettersyn.